

陆九芝
手批本

本草述钩元



本草述鉤元藥目

卷八下 芳草部

香附 藿香 香薷 薄荷 荊芥

紫蘇 蘇子 水蘇 卽雞蘇 蛇床子

葦撥 蘭草 卽醒頭草 澤蘭

卷九 隰草部

菊 銀菊 艾 茵陳蒿 青蒿

茺蔚子 茺蔚草 卽益母草 夏枯草 旋覆花 卽金沸草

劉寄奴 紅藍花 卽紅花 大薊根 小薊根

續斷 苧麻 胡盧巴 牛蒡子 菜耳 卽蒼耳子

豨薟

蘆根

麻黃

根節

木賊

生地黄

熟地黄

牛膝

紫苑

麥門冬

葵

根苗

冬葵子

蜀葵花

蜀葵子

欵冬花

酸漿草

鼠麴草

卽佛耳草

決明子

青箱附見



本草述鉤元卷八下

芳草部

武進楊時泰貞願

香附子

上古謂之雀頭香可以合香

生於莎草根下其根有鬚鬚

下結子一二枚轉相延生周匝有毛采得燎去曝乾貨之

李

湖

雖生於莎草根然根上或有或無不可便以根當之

宗

夷

味甘兼辛而微苦氣平而香性燥氣厚於味陽中之陰血中

氣藥降也入足厥陰氣分並入手太陰少陽兼行十二經八

脉氣分 芎藭爲之使 生用上行胸膈外達皮膚熟用下

走肝腎外徹腰足炒黑則能止血

湖

主治一切氣利三焦



南京中医药大学图书馆版权所有

解六鬱散時氣寒疫及心腹中客熱並常日憂愁不樂心忪

少氣霍亂吐逆痞滿腹脹消飲食積聚痰飲治膀胱關道

下氣妨去瘀血生血理婦人崩漏帶下月候不調胎前產後

諸病諸本草用童便浸過能總解諸鬱凡血藥必用

至氣分而生血此陽生陰長之義也丹溪童便浸炒入血

而補虛鹽水浸炒入血分而潤燥青鹽炒則補腎氣酒浸炒

則行經絡醋浸炒則消積聚薑汁炒則化痰飲湖得人參

白朮則補氣得當歸地黃則補血得木香流滯和中得檀香

理氣醒脾得沉香升降諸氣得芎藭蒼朮總解諸鬱得梔子

黃連能降火熱得茯神交濟心腎得茴香破故紙引氣歸元



得厚朴半夏決壅消脹得紫蘇葱白解散邪氣得三
消磨積塊得艾葉治血氣暖子宮乃氣病之總司女科

帥也又

能推陳致新故諸書皆云益氣俗有耗氣之說宜

於女人不宜於男子者非蓋婦人以血用事氣行則無疾老
人精枯血閉惟氣是資小兒氣曰充形乃曰固大凡病則氣

滯而餒故香附於氣分爲君藥臣以參芪佐以甘草治虛怯

甚速

韓

香附爲氣鬱血滯必用之藥然用之調血須輔以

益血涼血之品卽氣虛者兼入補氣藥乃可奏功

仲

交感

丹凡人中年精耗神衰由心血少火不下降腎氣憊水不上
升心腎隔絕榮衛不和上則多驚中則寒痞飲食不下下則



虛冷遺精。愚醫徒知補下。非惟不能生水。滋陰而反見衰。但服此方半年。屏去一切煖藥。絕嗜欲。然後習秘固。流術效難殫述。香附一斤。新水浸一宿。炒黃。同茯神四兩。蜜丸彈子大。每早用降氣湯細嚼一丸。降氣湯香附神二兩。炙甘草半兩。爲末。點沸湯服前藥。血崩秘方。香附一斤。童便浸透。砂器中炒炒時不住手灑童便。火弗過猛。炒三晝夜爲度。川木耳四兩。紙包裹以新瓦兩片夾定。繩縛泥固。火煨存性。覺煙起良久。急去火。取置冷地候冷。取出同香附研極細。如麪。每空心用淡醋湯調服五七分。按崩漏以氣鬱不行。血瘀經滯。淋瀝不止者。用此疏之。瘀血去而新血生。

則氣體自和 心腹刺痛小烏沉湯香附去毛焙

十兩 炙甘草 一兩 爲末每服二錢鹽湯隨時點服

傷寒

飲風氣上攻胸膈不利香附皂莢水浸半夏

各一兩

白礬末

錢五

薑汁麴糊丸梧子大每服三四十丸薑湯隨時下

疰癖往

來疼痛香附南星等分爲末薑汁糊丸梧子大每薑湯下二

三十丸 癰疽脹痛及小腸氣香附末

二錢

以海藻

一錢

煎

酒空心調下并食海藻 氣鬱頭痛香附炒

四兩

川芎

二兩

爲末每服二錢臘茶清調下 肝虛睛痛冷淚羞明補肝散

香附 一兩

夏枯草

五錢

爲末每服一錢茶清下

四製香附

丸香附去毛 一斤


分作四分用醇酒醇醋鹽水童便各浸春



三夏一秋五冬七日淘淨曬搗微焙爲末醋糊丸梧子大每
酒下七十丸治女人經候不調兼諸病瘦人加澤蘭赤芍
二兩氣虛加四君子料血虛加四物料 按用香附必審其
所因并病於何經而用何藥特借此味爲先導爲輔佐即數
方可例其餘

論 香附之味甘甘爲生氣生血之元兼有辛辛金歸肺而
主氣後兼有苦苦火歸心而主血夫辛甘爲陽甘多兼辛是
陽居其有餘也苦爲陰甘多苦少是陰居其不足也先甘而
次兼乎辛由辛而次兼乎苦本有餘之陽並入於陰而效其
用猶肺氣下降入心而生血之義故爲陽中之陰血中之氣

藥也。瀕湖謂足厥陰手少陽藥。夫手少陽非專主氣者。不知手少陽與手厥陰表裏三焦之氣。不化爲火者。由手厥陰之血無病也。既入血中之氣。以效用。將舍三焦之氣而效於何氣乎。氣血各有陰陽之分。是卽所謂陰氣也。上焦包絡所抑鬱者。能開之以包絡主血也。中焦脾胃所生病如霍亂食積痰痞。能鬯之以胃生血脾統血也。下焦肝腎所生病如膀胱連脇下氣妨及下血尿血月候崩帶。能調之以肝固血之藏腎乃血之海也。之頤謂其開發上焦卽中焦亦藉之以宣化下焦亦藉之以血中氣行則血以和而生血以和生則氣宣瀆斯言近之。有所依而健運不窮。是之謂生血。是之謂益氣。卽氣虛而事補益者。亦藉此導去虛中之著。韓氏所謂去虛快甚速也。第其香燥類云。燥血繆氏故謂調血須輔以益血涼血之味大



抵寒濕之傷氣者乃傷乎血。此味固是的對。卽火熱病氣後
寒濕化火。治以降火而用苦寒亦宜。此味從而和之。之聘
如黃鶴丹之用同黃連。其義可思矣。

香附苦辛香燥。凡月事先期屬血熱者禁用。

仲淳

按氣鬱多

用氣弱而鬱者必同補劑用。更有火傷元氣以致鬱者。治須
降火而以此佐之。若槩謂開氣之鬱。反以燥助其火。則氣愈
弱而愈鬱矣。

修治

細者佳。去毛以水洗淨。於石臼內搗去皮。

忌鐵

用童便

浸透曬搗用。

用稻草煮之。味不苦。或生或炒。或以酒醋酥

鹽水薑汁浸俱瓦上焙乾。

炒至黑色。禁崩漏下血。研末醋

調敷乳腫成癰用理氣痛醋炒尤妙

藿香

嶺南頗饒所在亦有二月宿根再發亦可子種七月擢穗作花子似茺蔚五六月未擢穗時采莖葉曝乾可著衣中用充香草踰時則性緩無力

之頤

潔古東垣惟用葉取其敷布宣發

葉味辛兼甘微苦氣微溫氣厚味薄浮而升陽也入手足太陰亦入足陽明經 主正氣去惡氣助胃氣開胃口止霍亂

定嘔逆及心腹痛散寒濕暑濕鬱熱濕熱蘊積邪熱并風熱

燥甚並治外感寒邪內傷飲食或飲食傷冷濕滯消風水毒

氣浮腫及山嵐瘴氣不伏水土寒熱作瘧等證飲酒口臭煎



南京中醫藥大學圖書館版權所有

湯嗽之 方書治脹滿消痺中風反胃傷暑頭痛發熱眩暈

酒毒黃疸中寒中濕中氣中惡積聚痰飲欬嗽關格心痛胃

脘痛痠盜汗不能食瀉泄滯下蠱毒 溫中快氣療肺虛有

寒上焦壅熱合說語是一氣行氣入肺功專脾胃門本方

香開胃助脾之劑但入發散藥則快氣入補脾藥則益氣入

理氣藥則快脾滯又氣亂於腸遂作霍亂致亂正氣者惡

氣耳藿虛燥芳馥方莖中虛而有節具不逆不撓入羣不亂義立定

其亂因名曰藿方之奇方急方劑之宜劑輕劑燥劑也復

得砂仁炒鹽治霍亂 得人參茯苓橘皮木瓜砂仁治吐瀉

轉筋霍亂 得木香沉香乳香縮砂辟惡氣治中惡心腹疔



痛得木香丁香人參蘇葉生薑治暴中寒邪吐逆

本止

入烏藥順氣散則補肺入黃耆四君子湯則補脾入桂苓

露飲治中暑吐瀉

升降諸氣藿香

一兩

香附炒

五兩

爲末

每以白湯點服一錢

胎氣不安氣不升降嘔吐酸水香附

藿香甘草二錢爲末入鹽少許沸湯調服之

論

藿香二月苗七月穗夏時未穗先采其莖葉遲則性緩

而無力其味先辛次甘最後苦辛勝甘遜苦則微是火土之

氣歸於燥金金仍歸土由火親土而火氣卽已宿於土由土

化金而金氣還以暢乎土所以能助胃氣開胃口正氣而去

惡氣也蓋胃之氣上致於肺使肺氣或爲他氣所亂則胃氣

卽不能行而胃口亦爲之不開此味由燥金之氣以敷布而
發不獨六氣之淫祛其外受并七情之偏極於內鬱者無不
佐主劑而平治之卽中土虛弱亟行補益者亦堪定此正氣
而還返之要當就由火歸土之義以求其功用非恃有火也
偏勝之氣乃能戡亂也夫天地有大橐籥焉爲宣布爲蓄藏
當宣布之極於外而其中蓄藏之蘊便有脈脈禪代而密移
者萬物統在其氣中而不知也是物賦有大火之精氣則其
禪代密移之微固已全昇矣惟天地橐籥神機其宣布欲盡
時卽是禪代交承處是天地之氣原非偏勝而取此味之定
亂者又豈以偏勝爲功哉要知陰陽橐籥總藉土爲轉關故

四序之禪代俱不能離土且六氣必以火為主而火不能離土六氣之中必以土為歸因陽火出於地亦藏於地也經言土土行氣於三陰三陽而脾土亦為之行氣於三陰三陽此可識火不能離土即陽不能離陰之義矣

雖治嘔吐若中焦火盛熱盛及邪實作嘔作脹者並禁仲淳

辨治 自種者良揉之如藁香氣者真薄荷香者非也水洗

去土梗用葉

香薷

荆湖南北中州二川皆有之四月生苗葉似茵陳穗似荆芥花似水蘇氣味則迥別一種葉大莖方一種葉最細僅高數



寸芬芳轉勝乃石香薷也九月開花著穗時采之彌佳

味辛氣微溫可升可降陽也入足陽明太陰手少陰經

治散肺邪氣助肺清化脾胃得之鬱開氣下撥濁回

亂腹痛吐下散水腫利小水止吐衄療中暑內熱煩渴為要

藥香薷屬金與水而有徹上徹下之功治水甚捷肺得之

則清化行而熱自降

丹溪

大葉者治傷暑利小便煎濃汁成

膏丸服治水脹病效

又

香薷飲為治暑首藥然傷暑有乘

涼飲冷陽氣為陰邪所遏遂病頭痛發熱惡寒煩渴或吐瀉

霍亂者宜用此以發越陽氣散水和脾若飲食不節勞役斲

喪而傷暑大熱大渴汗泄如雨煩躁喘促或瀉或吐者必用

